

մար, — «Ձեր ասելով քրդերը համակրում են հայերին, ասացի, բայց ի՞նչպէս մեկնենք այն անթիւ հարստահարութիւնները, որ քրդերը կատարում են Տաճկա—Հայաստանումը:—

«Այդ բոլորը հեշտ պարզելու բաներ են, ասում էր խանը: Ձեր խնդիրը երևան գալուց զինի թիւրքերը մեծ բարեկամութիւն սկսեցին ցոյց տալ մեզ, և մեր ձեռքով կամենում էին կրակ բռնել այդ աշխարհը սրբել հայերից: Դորա համար շատ մեծ գաղտնի աշխատութիւններ է եղել և լինում է: Ի նկատի առած այդ մեծ հրապուրանքները քրդերը մի երևելի փնաս չեն տուել հայերին. միւսնոյն սովորական յափշտակութիւններն են որ կրկնվում են: Այս տարի սահմանից անց են կացրել յափշտակած եօթ հազար ոչխար և երեք հազար տաւար, որ անցեալ տարուան հետ համեմատած, զգալի զանազանութիւն է անում: Այս տարուայ յափշտակութիւնները հաւասարվում են անցեալ տարուայ յափշտակութիւնների քառորդ մասին: Ճշմարիտ է որ այդ բոլոր յափշտակողները քրդերն են, բայց ո՞ր են տարել, ո՞ր են այժմ այդ տաւարները և ոչխարները: Հայերը եթէ կամենում են ճանաչել իւրեանց թշնամին, գտնել յափշտակված անասունները, պէտք է որոնեն փաշաների կամ խաների մօտ: Պարսկաստանում թող գնան Մագու, այն տեղ